



МЕСЯЦА МАЯ В 17-й ДЕНЬ

Святаго апостола Андроника и иже с ним
НА ВЕЧЕРНИ

Стихиры святых, глас 8.

Подобен: О, преславнаго чудесе:

Словом безсловесную / уставил еси безбожия
тлю, / яко Слова послушник, / и славен служитель,
/ и светильник пресветел / вселенныя, Богоблаженне.
/ Темже ты словесы Божественными славим / и святую твою память
празднуем радостно, / хвалу приносяще Вседержителю.

Павел, Божественный апостол, / Божественными похвалами / вас восхваляя светло, / верным представляет вашу доблесть, / прежде сего глаголя / показати вас Божия Слова ученики всеумудрии / и сродницы его, Иуние славная, / яко войстинну, и блаженный Андрониче, / Божии угодницы.

Всю священным проповеданием / просветивше землю, / мглу отгнасте суетства / и к свету настаviste Богоразумия, / сущия во тьме древе безбожия, / Божественнии апостоли, / наставницы спасения / и молитвенницы всех, / верно вас почитающих всегда.

Слава, и ныне, праздника.

Тропáрь, глас 3:

Апóстоли святíи, / моли́те Мíлостиваго Бóга, / да прегрешéний оставлéние / пода́ст душáм нáшим.

**Канóн, творéние Ио́сифово, егóже краегранé-
сие: Хвалу́ приношу́ мýдруму Андрони́ку. Глас 8.**

Песнь 1

**Ирмо́с: Пои́м Го́сподеви, / провед́шему лю́ди
Сво́я сквозé Чермнóе мо́ре, / я́ко еди́н сла́вно
просла́вился.**

**Хвалу́ Бóгу прино́сит в пресвятéй, блаже́нне,
па́мяти твоéй честна́я Це́рковь, / по́двиги тво́я
ве́рою сла́влящи.**

**Напра́вил еси́ ума́ твоего́ вся движе́ния, священ-
не, / к Бóжиих хотéний исполнéнию, / ра́дуясь,
Андрони́че.**

**Недúги очища́ти, дýхи отгоня́ти лука́выя / от
Бóга Божéственную благода́ть прия́л еси́, / Бого-
мýдре Андрони́че.**

**Богорóдичен: Одожди́ ми, Дéво, всех согреше́-
ний избавлéние и исправлéние жити́я / Тво́им
ходáтайством и благода́тию.**

Песнь 3

**Ирмо́с: Несть свят, я́ко Госпóдь, / и несть пра́ве-
ден, я́ко Бог наш, / Егóже поёт вся тварь: / несть
пра́веден, па́че Тебе́, Го́споди.**

**Умертвív в úды тво́я по́двиги, / жизнь сподóбился
еси́ живýщих зрéти / на земли́ плоть нося́ща
Христа́ Бóга нáшего, Андрони́че апóстоле.**

**Огнедохновéнен был еси́, / Божéственнаго Дýха
чи́стою мы́слию твоéю теплоту́, апóстоле, обно́ся /
и попада́я прéлести те́рние, Андрони́че всехва́ль-
не.**

**Глаго́л твои́х вещáние и си́ла чудéс / обтече́
ми́ра концы́, учени́че Госпóдень, / Божéственныя
Дýха благода́ти ве́рныя науча́ющи.**

**Богорóдичен: Несть пречи́сты, па́че Тебе́, Вла-
ды́чице, / и несть непорóчны, разве Тебе́, Всенепор-
рочная, / Бóга бо всех вместíлище простра́нное
еди́на была́ еси́.**

Конда́к, глас 2

Подобен: Вѣшних ищя:

Звездѹ пресвѣтлѹю, / Богоразѹмїя свѣтом просвѣщаго язѹки / апостола Христова Андроника восхвалим / и с ним во благовѣстїи потрудившюся Иунїю премѹдную, вопїюще: / молїте Христа Бѹга непрестанно о всех нас.

Седáлен, глас 4

Подобен: Скоро предварї:

Божественный Андроник, световїден быв, / сердца просветї Богоразѹмїя свѣтом ко Господу приходїти. / Тѣмже и по кончинѣ источает исцеленїя вѣрою приступающим честному его храму / и всем испрошает вѣрным велию мїлость.

Слáва, и ныне прázдника илї Богорóдичен:

Обновїла еси, Чїстая, Божественным рождеством Твоим / истлѣвшее во страстѣх земнородных мѣртвенное существо / и воздвїгла еси вся от смѣрти к животу нетлѣнїя. / Тѣмже Тя по долгу блажим вси, Дѣво Препрославленная, / якоже прорекла еси.

Крестобогорóдичен:

На Крестѣ Тя возвѣшена яко узрѣ Пречїстая Мати Твоя, Слове Божїй, / матерски рыдаючи, вещаше: / что новое и странное сїе чѹдо, Сыне Мой? / Како, Жизнь всех, вкушаеши смѣрти, / оживїти мѣртвыя хотя, яко Милосѣрд?

Пѣснь 4

Ирмос: Из горы приосененная, Слове, пророк, / едина Богородица, / хотяща воплотїтїся боговїдно усмотри / и со страхом славословяше силу Твою.

Тя, яко сродника, целует Пáвел, пред вѣрными / Божественная твоя похвалы проповѣдая, Андрониче Богоглаголивѣ, / световодителю восхваляющим тя.

Дом быв Троицы Пресвятыя, храмы и трѣбища разорїл еси блáзненные / и создал еси, прехвальне, цѣркви во спасенїе душ наших.

Возмогл еси, Божїею мощїю укрепився, / сильного восхїтити сосуды, блаженне, / и совершїти Духа Святаго жилище, Андрониче.

Богородичен: Ты всегда, Дево Богородице, вси вернии, согласно воспеваем, / яко твердое и поборное предстательство и спасение душ наших.

Песнь 5

Ирмос: От нощи невѣдения, / Боговѣдением просветивый концы, / просвети мя утром человеколюбия Твоего, Господи.

Яко сродника ты Павлу и прежде его ученика бывша, / с нимже ты почитаем, верую сошедшеся, Андрониче.

Светозарныя звезды, священныя апостолы почитим, / Иунию Божественную и Богоноснаго Андроника.

Яко нарочиты суще во апостолах, / вас блаженный Павел проповедает в Церкви, блаженнии.

Богородичен: Ты, Пресвятая Отроковице, пророческий лик проначерта священными образы / быти Господню Родительницу.

Песнь 6

Ирмос: Ризу мне подаждь светлу, / одейся светом, яко ризою, / Многомилостиве Христѣ Бже наш.

Дом твой исцелений источки любвию притекающим источает, апостоле, / омывая душевныя немощи.

Ислѣвшее безбожием множество язык обновил еси новыми твоими учении, / нетленного Иисуса друже искренний.

Яко солнце, обтекл еси землю, Андрониче премудре, / трисолнечный и несозданный возвещая верным свет Божества.

Богородичен: Божественная шествия на Тебе Владыки познашася, / плотию обнищавшаго и обогативша верныя, Неискусобрачная.

Кондак и икос праздника.

Песнь 7

Ирмос: В начале землю основавый / и небеса словом утвердивый, / благословен еси во веки, / Господи, Бже отец наших.

Недуги лютыя и всяку болѣзнь от душ вкупѣ же и телѣс отгониши / притекающих в дом твой, мудре ученичѣ Христов.

Дѣмонская наития отгоняеши и страсти лютыя очищаеши человеком, / спострадальчеством Христов самовидче, / сего ради ты верно ублажаем.

Риторское, мудре, глумление низложив простою учений, / Бога проповедуеши в видении плотсте поживша со земными благи ради.

Богородичен: Во утробу Дѣвы вселивыйся и в ней Адама наздавый, / благословен еси, Господи, Боже отец наших.

Песнь 8

Ирмос: На горѣ святей прославльшася / и в купинѣ огнем Приснодѣвы / Моисеови тайну явльшаго, / Господа пойте и превозносите во вся веки.

Обьюродѣвшая злым гнѣом человѣческая, Андрониче, сердца / солю Божественною стягнув, учении твоими, / излившемуся Слову спасаемы представил еси, преблаженне.

Священник же, и жрец, и жертва пожершемуся за милосердие познался еси / и к Немю востекл еси, Андрониче, / венец нетления и правды от Него прием.

Проповѣдник Божественный и апостол Боговидец, / разоритель истуканных гибельных и богатитель нищих явился еси, славне, / и Сиона вѣшняго великий житель, Андрониче Богомудре.

Богородичен: Яко клещами, руками уголь носиши, / росу Божественную источающаго, Дѣво, пламенем лѣсти бѣдствующим, / поपालяща же страсти песнословящих Того царствие.

Песнь 9

Ирмос: Проявленное на горѣ законоположнику во огни и купинѣ / рождество Приснодѣвы / в наше верных спасение / пѣснями немолчными величаем.

Да оныя жизни явившися наследник, / умерщвленные прежде дѣмонскими прилоги оживил еси / живоносным твоим словом, достоблаженне Андрониче.

Яко истиннаго быв винограда, преблаженне, лоза благорасленна, / вино безсмертия искапал

еси́ и челове́ков сердца́ возвесели́л еси́, / прехва́ль-
не Андрони́че.

**Ты, я́ко мо́лния, попалі́в вещь многобо́жия, / я́ве
показа́л еси́ свет Богоразу́мья су́щим во тьме
жити́я, / тем ты прославля́ем вси, Андрони́че.**

**Свяще́нная тво́я па́мять, простира́ема в концы́, /
днесь просвеща́ет сердца́ в ней ты свяще́нно
восхваля́ющих, / досто́блаже́нне Андрони́че.**

**Богоро́дичен: Просвеще́ние нам испроси́, Я́же
Свет ро́ждшая, / и согреше́ний оставле́ние и
душа́м спасе́ние, ве́дущим Тя, и́стинную Богоро́ди-
цу, / Чы́стая Де́во Всенепоро́чная.**

Святой апостол от 70-ти Андроник и его помощница в апостольских трудах **святая Юния** были родственниками апостола Павла. Они уверовали во Христа раньше апостола Павла и много потрудились, проповедуя Евангелие язычникам, о чем упоминает апостол Павел в Послании к римлянам: «Приветствуйте Андроника и Юнию, сродников моих и узников со мною, прославившихся между апостолами и прежде меня еще уверовавших во Христа» (Рим. 16, 7). Святой Андроник был рукоположен во епископа Паннонии, но его проповедь и проповедь святой Юнии распространилась и в другие страны, далеко за пределы его епархии. Апостол Андроник и святая Юния умерли для мира ради Христа, чтобы многих привести к познанию Бога Истинного. Их трудами утверждалась Церковь Христова, язычники обращались ко Христу, идольские капища разрушались и вместо них созидались христианские храмы. Всюду проходя с проповедью, они врачевали немощных и больных и изгоняли из людей нечистых духов.

Пострадав за Христа, святые Андроник и Юния приняли мученические венцы. В V веке, при императорах Аркадии и Гонории, их святые мощи были обретыны в предместье Константинополя вместе с мощами

других мучеников «иже во Евгениевых» (память 22 февраля).

В XII веке близ Евгениевых ворот в Царьграде императором Андроником I был построен великолепный храм, предположительно, на месте обретения святых мощей его Небесного покровителя — святого апостола Андроника.

Память святого апостола Андроника совершается также 30 июля, вместе с четырьмя другими апостолами от 70-ти: Силюю, Силуаном, Крискентом и Епенетом.

Служба святому апостолу Андронику написана святым Иосифом Песнопевцем. В одном из 15-ти канонов, написанных святым Иосифом в честь 70-ти апостолов, восхваляются чудеса от мощей святого апостола Андроника в его храме.

Литература

1. Святитель Димитрий, митрополит Ростовский. Жития святых. Кн. 9. М., 1908.
2. Полное собрание житий святых Православной Греко-Российской Церкви. Под ред. Е. Поселянина. СПб., 1908.
3. Дестунис С. Жития святых. Месяц Май. Спб., 1886.
4. Настольная книга священнослужителя. Т. 3. М., изд. Московской Патриархии, 1979.



Святаго мученика Николая Болгарскаго

На малой вечерни хотяй бдение сотворити предстоятель да поет стихиры святаго апостола Андроника, единого от седмидесяти.

НА ВЕЛИЦЕЙ ВЕЧЕРНИ

Блажен муж: 1-й антифон. На Господи, воззвах: поставим стихов 8 и поем стихиры, глас 4.

Подобен: Званный свбше:

Вышнее получив звание осиянием, / егда плоти твоея томление удручаше мысли, / тогда паче на надежду Христову неуклонно возрел еси / и оттуда крепкия силы приторгл еси; / суеты желание умному покорив духу, / якоже магнит, привлекл еси / твердаго подвига терпение. / Темже и венечник показался еси, Николае, / живодательною десницею увенчаваемь Божия Слова, / Егоже моли спасти и просветити души наша.

Вышняго ликостояния рачением уязвлен, / егда ты сопротивных навел в темнице затвори, / тогда паче желанием будущих душу распалив, / якоже адамант, нетомимо свое утвердил еси сердце / и к страданию потекл еси, / якоже к источнику жаждавый, / отонудуже каменным метанием посыпан, Николае, / красен воистинну Краеугольному предстал еси, / Егоже моли спасти и просветити души наша.

Свбше ты званна конец вещей показа, / егда низувлекущая мудрования повинул еси лучшему, / тогда, во мнозей мертвости свою прозрев душу, / устремился еси в безсмертие преложити ю страданием, / мук терпением угнетаемь, / топтавшей души твоей / точно соделался еси, / веселия вино, кровь твою, точащее, Николае, / всякую муку пренебрег о укрепляющем ты Христе, / Егоже моли спасти и просветити души наша.

Свбше сошедшее безмерныя ради любви Божие Слово, / егда твоея души нрава незыблемую предузре силу, / тогда лиющий грозу источник мыслей затвори, / отверзая ти деяние к видения восходу, /

якоже льва страшна к зверем боязненным, укрепитя / и, якоже иакинф* злчному полю, / украситя страданием, Николае, / и ныне, дерзновенный мученик, предстоиши Ему, / Егбоже моли спасти и просветити души наша.

Слава, глас 3:

Приидите, вернии, / светлый подвиг мученика Николая торжествуем / и преславному Бога нашего смотрению удивимся: / како обновляет естество, обложенное страстьми! / Како персть Небесным сопричте силам! / Како наследники Своего Царствия земных устрои, / якоже доблесть являет новаго страдальца, / смерть животу предпочетшаго Христа ради / и в чине мученик Престолу Божия славы ныне предстоящаго! / К нему убо с радостию возопийм, глаголюще: / о мучеников украшение и веры нерушимый столпе, / перваго в мученицех подобниче всехвальный, / многострадальне победниче Николае, / яко имея дерзновение ко Христу Богу, / моли избавитися нам видимых и невидимых враг / и всех спастися душам, / иже присно почитающих честную память твою.

И ныне, праздника или Богородичен: Како не дивимся:

Вход. Прокимен дне. И чтения 3 мученическая (зри страницы 121—122).

На литии стихиры самогласны, глас 1:

Смирением души память мучеников празднуем, вернии, / вместо оных доблестей к лучшим желанию всегда простираеми, / презирающе печальная памятью вечных благ; / вместо кровей свое изливающей к Богу сердце / и не имать его унижитьи сокрушенна и смиренна, / благоволит же паче всякия жертвы приношения. / Сяце обновляется обетшавшее грехом естество, / яко да, добродетельми возводими, / в чине мученик со дерзновением предстанем, / идеже Свет незаходимый и жизнь присносущная. / Ихже молитвами, Христе Боже наш, / всех нас Царствия Твоего сподоби, / яко Благ и Человеколюбец.

* иакинф — драгоценный камень.

Глас 2: Мудроравнiя плотскiя и ветхiйства, / яко дым, ветром прогоняемъ, обличишася днесь: / безкнижнiй превзыде силою духа / возможных крепостию слова и дѣлы / победи дивнiй в мученицех войстинну Николаѣ. / Сей бо, на судищи стоя, / Христа исповеда, Бога и Творца всякия твари, / и немудрых мудрецов терпением посрами, / да в сродных нас труды своими / совершение веры укрепит. / Преобидев плоть, преступление прадеднее в своем теле исправи / и рай восприят, / отонудуже Адам ниспаде; / разрешив же союз естества страданием, / вышшею связя себе яже с Богом жизнью / и молится непрестанно о душах наших.

Глас 3: Собор сводит благочестивых добляго мученика память, / иже вчера нами зримый видением / преложися днесь дивно страданием. / Сей бо, мучением угнетаемъ, / лучших богатство и вышших славу / простотою победи и равный учеником Господним чин получи, / свою душу земнаго богатства лучшую нещевав / и по Христе усердне кровь свою проливъ. / Да постыдятся ныне высокоумреннии, неверием одержимии, / несть бо сильнейше паче благочестия, / ниже крепчайше паче яже к Богу надежды. / Молитвами Твоего мученика, Христе Боже наш, / Церковь Твою утверди и спаси души наша, яко Человеколюбец.

Глас 4: Радуйся о Господе, граде Софие, / блаженна бо земля твоя, / напившиися кровей мученик, / иже из тебе на Небо пресельшися, / ангельския лики сведоша, / к страданию их подвижающия, / и Царя славы Христа недомысленне с высоты призрети сотвориша, / победныя тем венцы простирающа. / О, тайнства великаго: / земная Небо быша и человек в Ангела преложися! / О, глубины богатства и премудрости и разума Божия, / яко идеже умножися грех преступлением, / преизобилова благодать послушанием. / Тля смерти жизнью поправа бысть / и свет благочестия верным возсия. / Господи, мученик Твоих молитвами / мир граду Твоему низпосли / и вселенней даруй велию милость.

Сла́ва, глас 5:

Воспойм пра́зднественная, / торжество́ смотряюще́ разуме́ныя си́лы, / я́же, сво́йство до́льных муче́нием претвори́вши, / превзы́де всяк ум. / Простото́ю бо уче́ния и нра́вы ра́зума в мо́ри бу́рном плову́ще, / ры́барския мре́жи Христо́вых ловец / мученицы́ собо́ю испо́лниша / и чу́дныя бы́ша же́рты за ны поже́ршагося Сло́ва Бо́жия. / Прииди́те у́бо, стеце́мся вси, / и любо́вию се́рдца воззове́м к ним, глаго́люще: / о победи́телие пресла́внии, / я́же ве́ры соблюде́нием чин земноро́дных превозше́дшии, / Гео́ргии прозва́нием единоиме́ннии / и страда́ний произво́лением ра́внии, / Нико́лае же многострада́льне и крепо́душне, / дерзнове́ние я́ко иму́ще ко Христу́ Бо́гу, / ми́ра ми́рови испроси́те / и певце́м ва́шим ве́лия ми́лости.

И ны́не, пра́здника или́ Богоро́дичен:

Храм и дверь еси́, / пала́та и престол Царе́в, / Де́во Всечестна́я, / Е́юже Иза́витель мой, Христо́с Госпо́дь, / во тьме спя́щим яви́ся, / Со́лнце Сый Пра́вды, просвети́ти хотя́, / я́же созда́ по о́бразу Своему́ руко́ю Своёю. / Те́мже, Всепе́тая, / я́ко Ма́терне дерзнове́ние к Нему́ стяжа́вшая, / непреста́нно моли́ спастися́ душа́м на́шим.

На стихо́вне стихи́ры, глас 8.

Подобен: О, пресла́внаго чудесе́:

О, пресла́внаго чудесе́, / я́же существо́, потемне́вшее преступле́нием / и тле́нию подпа́дшее Бо́жия руки́ создáние / злым наве́том с небесе́ свёрженнаго денни́цы, / па́ки исправля́ет Бог Сло́во обновле́нием, / я́же по нас восприя́тыя плоти́ / и, прибыв к естеству́ на́шему, де́йство претвори́, / отону́дуже отбеже́ тьма гоня́щая / и но́щь просвеще́ния нам возсия́, / в лу́чшую и соверше́нную нас возводя́ жизнь. / О, каково́ дарова́ние земны́м даде́ся, / я́мже, Христе́, спаси́ ду́ши на́ша, / я́ко Милосе́рд.

Стих: Пра́ведник, я́ко фи́никс, процвете́т, / я́ко кедр, я́же в Лива́не, умно́жится.

О, преслávнаго чудесé, / ѳже прéжде нрав слáбо-
сти являше, / нýне страдáния рáди / мýченическим
ликóм совокупля́ется; / ѳже настоящáя прези-
ра́й, / а́нгельскими сýлами ужáсно смотре́ется; /
терпéнием бо всякую сквэрну душі умыв, / бáнею
пакибытíя крóве свое́й одéявся, / свѣше восприят
чистоты осия́ние, / к немýже прóчее не касáется
порóк страстéй, / немощнóе бо естество́ пáче
всякíя сýлы яв́ися, / ѳмже, Христé, спасí ду́ши
на́ша, / ѳко Милосéрд.

Стих: Насаждéни в домý Господни / во двóрех
Бóга на́шего процветýт.

О, преслávнаго чудесé, / ѳже прéжде сном дóль-
них упражня́йся / нýне с Небесными сýлами
Гóрняя прáзднует; / к земным влекúщаго стремле́-
ния отторгся, / Вѣшняго Цáрствия наслéдник
яв́ися; / послéдний в мýченицех бѣвѣй, / пѣрвых
страдáльцев рáвным увязéся венцém / и рáвную
мзду пѣрвых дéлателей богáтне восприя, / вседóб-
лий страдáлец Христóв Никола́й, / течéние бо
соверши́ вѣры соблюде́нием. / О, кáко подвизáся и
кáко пострадá, / ѳмже, Христé, спасí ду́ши на́ша, /
ѳко Милосéрд.

Слáва, глас 6:

Тезоимéнное стяжáвшаго побéды ѳмя / страдá-
нием вѣры рáди, ѳже во Христá Бóга, / вéсело
прáзднественная торжествúим, вѣрнии, / и во гла́-
се хвалéния воспо́им его́, глаголюще: / рáдуйся,
обновлéние страдáльцев Христóвых и похвалó, /
ѳже собóю дерзновéние к терпéнию вдохнúвѣй
всем; / рáдуйся, ѳко пѣрвому в мýченицех
Стефáну / кáменнаго рáди побие́ния / подóбник
свѣтел яв́ивѣйся. / Рáдуйся, ѳко мýсленным оси-
я́нием Небесá отверзóшася тебé / и Сýна Бóжия,
венéц побéды тебé простира́ющая, / умныма свѣтло
усмотрéл еси́ оч́има. / Тогó прилэ́жно моли́, много-
страдáльне Никóлае, / умирíти язýческая, ѳже на
ны, возношéния / и спасти́ ду́ши на́ша.

И нýне, прáздника или́ Богорóдичен: Творéц и
Избáвитель мой, Преч́истая:

**На благословéнии хлѣбов тропáрь свята́го, двáжды и
Богорóдице Дéво: ед́иножды.**

Тропáрь свята́го, глас 3:

Зарéю Дúха обогатíвсья, слáвнè, / и отгúду
восприím дерзновéние, / исповéдал есí на
судíщи мýжески Трóицу Единосúщную, / тэмже и
кáмением побивáемь, / не покорíлся есí. / Огнём же
сожигáемь, / обличíл есí прéлесть безбóжных, /
многострадáльне святе Никóлае. / Сего́ рáди мóлим
тя: / испросí душáм нáшим / вéлию мýлость.

НА УТРЕНИ

**На Бог Господь: тропáрь прáздника, двáжды.
Слáва, свята́го. И ны́не, прáздника.**

По 1-м стихослóвию седáлен, глас 1.

Подóбен: Кáмени запечáтану:

Кáмением по Христé побиён, мýчениче слáвнè, /
Кáмени краеугóльному приложíлся есí, досточúд-
нè. / И, земнáя пренебрéг, в Небéсных витáеши
селéниих, / íхже рáди земнорóдных удивíл есí
терпéнием, / áнгельския же чíны рáдости испóл-
нил есí, / íже, óбщее с нáми составльше весéлие,
взывают: / слáва Дáвшему ти крéпость, / слáва
Венчáвшему тя, / слáва Явльшему тобóю всем
дóблесть терпéния твоегó.

Слáва, и ны́не, прáздника или́ Богорóдичен:

Гаврийлу вещáвшу Тебé, Дéво, рáдуясь, / со
глáсом воплощáшеся всех Влады́ка в Тебé, Святém
Кивóте, / я́коже речé прáведный Давíд: / явíлася
есí шíршая Небес, поносíвши Зиждíteля Тво-
егó. / Слáва Всельшемуся в Тя, / слáва Прошэдше-
му из Тебé, / слáва Свободíвшему нас рождествóм
Твоím.

По 2-м стихослóвию седáлен, глас 4.

Подóбен: Удивíся Иосиф:

Удивíшася вси мýсленных сил чíнове, / пáче
естествá в тебé дóблесть смотряюще, / я́ко рáвным
произволéнием пёрвых послéдовавша / и крéпкую
кáмением лéствицу к Небесí себе испрáвльша, /
схождёнными и восхождёнными Áнгелов окружён-
ную, / на нéйже Бóга утверждённа обрёл есí, тебé
венéц подающа. / Сíлы Небéсныя возвеселíл есí,

Никóлае, и бѣсы посрамил еси, / мы же, покланяющеся, сла́вим Христа́, тебѣ укрѣпльшаго.

Сла́ва, и ны́не, пра́здника или́ Богоро́дичен:

Удивіся Иосиф, еже па́че естества́ зря, и внима́ше мы́слию, / ѿже на руно́ дождь, в безсе́менном зача́тии Твоём, Богоро́дице, / купину́, огнём неопали́мую, / жезл Ааро́нов прозя́бший, / и, свидѣтельствуя, обру́чник Твой и храні́тель священни́ком взыва́ше: / Де́ва ражда́ет и по рождестве́ па́ки Де́вою пребыва́ет.

По полиелѣи седа́лен, глас 8.

Подобен: Премудрость и Слово:

До́блїй по́двиг твой, мучени́че чу́дне, украси́ востокъ сия́нием, / запа́д же озари́ луче́ю познания́, / ꙗ́коже бо от све́та чу́вственнаго у́мными восхожде́ньми твоими́ подсолнечная́ вся преизоби́лова. / Кто́ бо, слы́шав по́двиг твоего́ терпѣ́ния, не удиви́тся: / ка́ко, смире́нный, тесноту́ приско́рбнаго пу́ти прошѣ́л еси́, / и крещѣ́ние пакибы́тїя обнови́л еси́ своею́ кро́вию, / и, па́че све́та блиста́ясь, своему́ предста́л еси́ Царю́? / Те́мже, ꙗ́ко хра́брый во́ин, дерзнове́ние к Нему́ имѣя, / поминáй пою́щия́ тя, страсотѣ́рпче Никóлае, / моля́ Его́ непреста́нно грехо́в оста́вление дарова́ти / чту́щим лю́бовию́ честны́я по́двиги твоя́.

Сла́ва, и ны́не, пра́здника или́ Богоро́дичен:

В напáсти многоплетѣ́нная впадо́х, / воста́ бо на мя бѹ́ря мы́сленнаго дви́женія / и пото́пиша мя сла́стныя греха́ во́лны; / весь обнажи́хся духо́вныя крѣ́пости, ока́янный, / и прибли́жихся а́ду злыхъ дел зако́снѣнием; / и кончи́ны моея́ пости́же мя печа́ль, / боя́знь бо грози́т мя здѣ́шних разлучѣ́ния, / бесо́вскаго нападѣ́ния и возду́шных князе́й стра́шнаго истязáния. / Те́мже потщи́ся в ну́ждный час исхо́да моего́ / и бесо́вскаго мя кова́рства вы́сша покажи́, / ꙗ́ко да во гла́се ра́дованія воспою́ ти: / Богоро́дице, помози́ ми, согрешѣ́ний прощѣ́ние да́рующи, / Тебѣ́ бо стяжа́х наде́жду, раб Твой.

Та́же степѣ́нна, 1-й антифо́н 4-го гла́са. Прокі́мен, глас 4: Пра́ведник, ꙗ́ко фíникс, процветѣ́т / ꙗ́ко кедр, ѿже в Ливáне, умножи́тся. **Стих:** Наса́ж-

дѣни в домѹ Господни во двѡрех Бѡга нашего процветѹт. **Всякое дыханіе: Евангеліе от Матфея, зачалѡ 36.**

По 50-м псалмѣ стихіра, глас 6:

Днесь мѹченичестии лицы, в радѡсти прѡзднующе, / к торжествѹ нас созываѹт / дѣвнаго в мѹченицех страстотѣрща Николая, / ѡже обновленіе бысть преславныя пѡмѡти их, / не лѣтными круги сїе совершаѡя, / но своѡю крѡвию Христа прославив / и Православную веру собою уяснив. / Укрепивый того, Господи, слава Тебѣ.

Канѡн свѡтаго, глас 2, егѡже краегранѣсие: Нѡваго мѹченика побѣду воспеваѡ, Слѡве. А в Богорѡдичных слѡзех: Андрѡва.

Песнь 1

Ирмос: Грядіте, людіе, / поім песнь Христу Бѡгу, / раздѣльшему мѡре и настѡвльшему люді, / ѡже изведѣ из рабѡты егїпетскія, / ѡко прославился.

Припѣв: Свѡтѡй мѹчениче Никѡлае, моли Бѡга о нас.

Несозданнаго всех Содѣтеля, ѡже дрѣвле в мѡри чудодѣйствовавшаго / и всю сїлу фараѡню потѡпльшаго, / мѹчеников же в страданіих благодѡтию укрепльшаго, совокупно воспѡим, ѡко прославился.

Огненным твоим по Христе искушеніем чїны премірных Ангел удивил еси; / мы же, восхваляюще крѣпкое твоѡ страданіе, молим тя: / испроси нам совершенное избавленіе у Господа, ѡко прославился.

Вѣлія премѹдрѡсть Бѡга нашего: / вѣдый созданный существѡ прѣжде бытїя / и вїдев твоея души бѡдренное к Немѹ стремленіе, / многострадальным искусом изьяви житїя твоегѡ исправленіе, ѡмже прославился.

Припѣв: Свѡтїи триѣ мѹченицы, молите Бѡга о нас.

Аще и многомятежно житїя мѡре, / но долувлекѹщая страстѣй мечтанїя, дѡблии страдальцы, терпеніем попрѡша, / и тїхому пристѡнищу себѣ

возложѣша, / и произволеніем мученія град Софійскій прославиша.

Богородичен: Адамскій род, к Твоему притекаѣй покрову, Пречѣстая Дѣво, / яко сильна, в крѣпости предварѣи и всяких душевоющихъ напастей избави, / милостива сущи, яко Мати Взѣмлющаго грехѣи міра.

Песнь 3

Ирмос: Утверди нас в Тебѣ, Господи, / Древоу умерщвлѣй грех, / и страх Твой всади / в сердца нас, поющихъ Тя.

Мученику: Горькаго мученія многотѣсную прошедъ стезю, / широкаго же и пагубнаго уклонився путѣи, / ныне Царствія Небеснаго селеніе, яко труда возмездіе, воспріи́л еси / и со ангельскими силами ликованіе.

Очеса устремивъ души твоея к желанію будущи́х, / несмущенне к страданію потекл еси, / егѣже ради безсмертія венцемъ от Христа увязался еси, Никѣлае, / и яко красенъ победитель Ему́ предстал еси.

Маловременную славу земнаго житія, яко многаго суетства исполненную, презрѣл еси, / страдати же паче по Христе изволяя, и, камениемъ за Него побіенъ быв, / сын и наследникъ Царствія явился еси.

Мучеником: Умрѣти по Христе восхотѣвше, приснославнии, / мирская пристрастія и боязнь жестокаго мученія не поколебаша ваша веры основанія, / темже ныне, в дѣлахъ желанія вашего всельшеся, прѣсно радуетсяя.

Богородичен: Ни песка морскаго исчестѣи кто может, / ни глубины изслѣдити безднамъ, / ни Твоимъ коснутися таинствомъ, Богородице, / вся бо премірныя силы превосходиши чѣстностию. / Темже по величію мѣщцы Своея снабди рабовъ умерщвленны́х, / верою Сыну Твоему прѣсно поклоняющихся.

Седален, глас 8

Подобен: Премудрость и Слово:

Премудростию паче словес, / от немощи в силу по Бѣзе дерзновеніемъ к деянію себѣ возвел еси; / к виденію же востѣкъ Божественныхъ познаній / и

высоту́ достіг совершеннаго богословія твёрдаго камене вѣры, / мглы греховныя а́бие от души прогна́л еси́ и дерзнул еси́ к супостатом, / и́же каменіем рѣзу души́ твоея́ испра́ша / и подобника́ ты Владѣще твоему́ показаша, / от Едо́ма восходя́щу оброшвлѣнну* одѣждею и червлѣну от Восора. / Тѣмже крѣвию восход получи́л еси́ Царствія Божія / и неизречѣнная восприя́л еси́ благая, / страсотѣрпче Николае, моли́ Христа́ Бѣга грехов оставлѣние даровати / чтущим любѣвию честную́ па́мять твою́.

Сла́ва, и ны́не, прѣзднака и́ли Богоро́дичен:

Премудрость и Отчее Слово в Тебѣ непременно воплотіся во обоихъ существа́хъ крайнимъ смотре́нием / и воста́ви естество́, па́дшее преступлѣнием, / многосра́дныя сквѣрны мир свободѣв. / Того́ моли́ со дерзнове́нием, Ма́ти Чѣстая, / даровати безме́стнымъ дея́ниемъ исправлѣние / и ту́нею** блáгостию грехомъ оставлѣние. / Мѣлостива бо еси́ Тя пою́щим / и вскѣре отвраща́еши сугубыхъ враговъ наветы́. / Тѣмже потщѣся от всего́ се́рдца Тебѣ вопію́щим, / согрешѣній прощѣние да́рующи, / Ты бо і́мамы наде́жду, раби́ Твои́.

Песнь 4

Ирмо́с: Услѣ́шах, Го́споди, / сла́вное Твоѣ смотре́ние / и просла́вих, Человеколю́бче, / непостижимую Твою́ сі́лу.

Мученику́: Человекъ сый, сверхчеловѣческая достігл еси́, сла́вне Николае, / исто́чникъ бо крѣве и струи́ страда́нія по Христѣ́ излия́в / и непостижимыя высоты́ косну́вся, / неизречѣнныхъ ны́не наслажда́еши́ся бла́гихъ, / с мученическими́ лики́ ра́дуяся.

Его́же трепещутъ бѣздно и преиспѣдняя, / не стерпѣл еси́ агаряны злочестѣивыми в тварь сводѣтися, / дѣломъ па́че, неже́ли словомъ, крѣпость мудрова́нія своего́ уверя́я, / го́рькия бо смѣрти не убоя́вся, / всехъ ужасѣ́л еси́ терпѣниемъ своимъ и Бѣгови присво́ился еси́.

* оброшвлѣнну — багряную.

** ту́нею — безвозмездно.

Нападшия тя мёрзости злочестия совлѣкся / и вся преобидев маловременная, / Христа по существу Бѳга быти на судищи злочестивых исповедал еси / и доброту прекрасныя твоея души в терпении твоём стяжати потщался еси.

Мучеником: Известнаго рачения вожделевше, приснославнии мученицы, / вечнующаго веселия и николиже скорбными прилоги таемаго, / вконец горящею любовью муки усвоисте / и, ныне в премирная жилища всельшесе, / с Небесными лики присно веселитесь.

Богородичен: Дѳво Мати Бѳжия, / Егѳже во плоти Христа породила еси, / непреложна пребывша силою Божества и дѳством, / Того прилежно со всеми святыми моли грехом нашим дати совершенное разрешение / и прежде конца жития нашего исправление.

Песнь 5

Ирмос: Свѳта Подателю и веков Творче, Господи, / во свѳте Твоих повелений настави нас: / разве бо Тебѳ, иного бѳга не знаем.

Мученику: Коль неизслѳдованная наследия получил еси терпением, Николае, / яже земных ни око виде, ни ухо слыша, / ниже на сердце человеку въздоша когда, / но, мучением изменився, широту неизглаголанную достигл еси веселия и незаходимаго свѳта.

Ангельскою любовью войстинну ко Христу распалаемь / и желанье к подобию простирая, / образ честнаго первообразия, якоже сокровище, в недрах скрыл еси / и написанье царския печати, / воинство же своея веры Царю своему возложив, кровь свою по Нем пролиыл еси.

Подвига твоего терпение известно всем показя / и надежду твою несолганну яви Христос, / на Негоже уповал еси, Николае; / сего ради вернии ужасаются, малодушнии: / откуда крепость разуму подадесе ти, / аще не Призвавшим тя к страданию, приснославне.

Мучеником: Отѳческаго дома возвращения / и, яже на тризнице, побѳдных почестей желаяще, / елицы добрыя памяти сущѳ незабѳтливи, / ваия

взёмше, цвѣты добродѣтелей, мучеников усрящим,
хвалу Бóгови возсылающе, / их ради всем нам
дарующему велию милость.

Богорóдичен: Раб Твой аз и сын рабыни Твоея,
державная всех Царице, / за неусыпающую мольбу
яже к Сýну Твоему и Бóгу / прими моего сердца
сокрушение и очес слезы, / молящи рождённого от
Тебе Судию, / яко да десныя части сподобит мя в
день Судá.

Песнь 6

Ирмос: В бездне грехóвней валяясь, / неизслед-
ную милосердия Твоего призываю бездну: / от тли,
Бóже, мя возведи.

Мученику: Быв умерщвлён, неверие здешних
нещевáше тя погрешити благонадéждия путь / и
в мóри погружена волна́ми отчая́ния, / но ты,
якоже Ио́на из чрева китова, малоденствуя, воз-
звав, / от Гóспода Бóга твоего услышан был еси.

Его́ призывающим Ско́рый Послушатель Бог
тебе в волнении жребий возложи, / в пучину
страданий самоизвольне ввергнутися, / но, якоже
по Бóзе жив от них изше́д, / градовом проповеду-
еши спасения покаяние мученическим терпением
твоим.

Делом подвига твоего лентящимся / прорекл еси
не отчаявати своего спасения, / но от пре́жних
злых отступати и смирение лобзати: / страданием
бо твоим чудный явился еси проповедник благода-
ти познания, / кровь твою нещадно за Христа́
пролив, Николае.

Мучеником: Убо твёрдость терпения ва́шего,
Геóргие, / земными вещми изобразити немощно
кому́ николíже: / в бездушных адамáнта, в одушев-
лённых же сердца ва́шего ничто́же крепча́йше, /
великим бо упованием с Геóргием другим и
Никола́ем сла́вным преидóсте отсю́ду, радуящеся.

Богорóдичен: Еда́ ли когда́ не вско́ре являеши́ся
взирающим на си́льный Твой покрóв, Влады́чице
ми́ра? / Ины́я бо надéжды несть спасения рабóм
Твоим по Бóзе, / зане́ вы́сшую Тебе́ дарова́ сла́ву
Рождейся из Тебе́ / и прекланя́ется проше́нию
Твоему́, Тебе́ то́кмо хотя́щей.

Конда́к, глас 2.

Подобен: Вѣшних ищѣ:

Благочестія истиннаго побѣрника / и в бѣдахъ непобѣдимаго помощника, / Божественнаго Николая в пѣсняхъ восхвалимъ: / сей бо явися в послѣдняя лета звезда пресвѣтлая, / просвещающая вѣрныхъ сердца, / и, со Ангелы ныне Троице предстоѣя, / непрестанно молился о всехъ насъ.

Икос:

Священный совершаетъ Церковь днесь праздникъ, / свѣтло проповѣдаючи доблественныя болѣзни новаго мученика Николая / и яже паче естества борения, / имиже низложивъ многокозненнаго врага, / бысть слава страдальцевъ и похвала, / мужества же столпъ и свѣтильникъ всемъ, благочестно того чтущимъ. / Но яко проповѣдникъ истины и венечникъ, / со Ангелы ныне Троице предстоѣя, / непрестанно молился о всехъ насъ.

Песнь 7

Ирмос: *Вѣтви явѣшася отроцы любомудрейшии древле, / отъ богоприятныя бо души, богословяще устнами, пояху: / Пребожественный отецъ и нашъ Бже, / благословенъ еси.*

Мученику: *Вселивъ въ душу твою триехъ, яже в Вавилоне, отроковъ терпение, приснославне, / превозшелъ еси я: / ти бо познавше, прорекѣша себѣ избавление, / ты же простаго страдания и смерти произволилъ еси, зовый: / отецъ нашихъ Бже, благословенъ еси.*

Отдавъ Богу плоть свою, / даръ совершенъ себѣ вручилъ еси, многострадальне; / по смерти же тело твоѣ огню предавше злочестивии, / яко злато в горниле, очистиша / и намъ всеожжение Божественное оставиша, поющимъ: / отецъ нашихъ Бже, благословенъ еси.

Сокрушенъ камениемъ исходъ твой невѣрнымъ вменися / и безумие имъ смерть твоѣ возмнеся, / но упование твоѣ, безсмертия исполнено, явилъ еси / и страдания образъ всемъ показался еси, поющимъ: / отецъ нашихъ Бже, благословенъ еси.

Мучеником: Поющих вас и верою поклоняющихся честным вашим страданием / души спасти и мир умирить молитесь, святити мученицы, / якоже бо света ко тьме разнствие, / сие выспрь от нас возлетесте, зовуще: / отец наших Боже, благословен еси.

Богородичен: Обрелася еси в родех человеческих, Богомати Приснодево, / едина Добрая и Преблаженная, / плотски объявша и воздойвша Егоже трепещет вся тварь; / Того прилежно моли уповающим на Тя вечных благ не погрешити.

Песнь 8

Ирмос: Пещь иногда огненная в Вавилоне действия разделяше, / Божиим велением халдеи опаляющая, / верная же орошающая, поющая: / благословите, вся дела Господня, Господа.

Мученику: Еже к тебе нашего любления не забуди, приснославне Николае, / тамо ныне водворяясь, идеже шум празднующих мученик и Ангел, / но, якоже сам изменился еси лучшею жизнью, / молися переменшимся нам недалече тебе явиться, поющим: / благословите, вся дела Господня, Господа.

Великим страданием и крове изливанием огненный столп целомудрия явился еси, / разрешивша бо ся земного естества омрачения / и светел храм себе очистил еси Пресвятому Духу, / Егоже ныне совершенно в себе познав, зовещи: / благословите, вся дела Господня, Господа.

Адамантики кровь свою источил еси, не посрамив упования своего, / но востекл еси в совершенную к Царю всех высот, / Егоже прилежно моли каплей слез наших не отвратитися, / с плачем и сетованием Ему зовущих: / благословите, вся дела Господня, Господа.

Мучеником: Уже ныне празднуем, / честная память ваша утро явися духовного и присного веселия граду вашему, / в немже пострадавше, великих и дивных сподобистесь, / но и вся подсолнечная ваше мудрое терпение ублажает, воспевающие: / благословите, вся дела Господня, Господа.

Богородичен: Весéлие вéчное и рáдость мíру рóждшая, возвесели дúши нáша, / я́ко да в тишинé сёрдца богоугóдни всегда́ явímся, / за́поведь Сýна Твоегó соверша́юще, / Иже в нéмощь нáшу нас рáди обóлкса, / сýльных нас в крéпости Божéственной содéла.

Песнь 9

Ирмос: От Бóга Бóга Слóва, / неизречéнную мúдростию пришéдшаго обнови́ти Ада́ма, / я́дию в тлéние па́дшаго лю́те, / от Святы́я Дéвы неизречéнно воплотíвшася нас рáди, / вёрнии, единомúдренно пéснями велича́ем.

Мученику: Сýльных в слóве и крéпких держáвою провíдев зловэ́рие, Никóлае, / и мёрзость вмени́в с нými вселéние, / слáдце па́че восприя́л еси́ смёртию скóрою избежа́ти тех злово́ния / и, ка́мением поби́ен, ко Христу́ востéкл еси́, рáдуясь.

Лжу тщéтну вмени́в агáрян прéния, / не увéдевших смотре́ния Бóжия, ни та́йны позна́вших, / но усты́ ху́льными глаго́лавших на Бóга неправду, / Христа́, Бóжию сýлу и Премúдрость, пред нými испове́дал еси́ / и Егó рáди стра́шныя всем смёрти не ужáснулся еси́.

О́ком мы́сленным рассмотре́в привре́менная, / я́ко вся сéни и сну подобна, / смёрти же не убо́явся, но па́че блага́ вмени́в, е́же по Христé во́лею умре́ти, / с Ним просла́вился еси́ и стра́шен смёрти показáлся еси́, / сию́ попра́в во́льным терпéнием, подóбся Влады́ще своему́.

Вéру не на́гу показáл еси́ Бóгу твоему́, Никóлае, / па́че же соприя́гл еси́ ей дела́ правды терпéнием: / что бо сýльнейше тво́их мучéний и что приболéзненно па́че смёрти, / на ню́же ты укрепíвся во́льным произво́лением, / Гóсподеви о́беты сво́я в дéлах вéры принéсл еси́.

Мучеником: Е́же о́ко не ви́де, ни у́хо слы́ша, / ни на сёрдце челове́ка взы́де уготовáнное вам возмéздие, / егóже рáди дóбрыми преложéнными во́льную по Христé смерть восприя́сте, / и ны́не, со А́нгелы водворя́ющася, прýсно мо́лите Христа́ Бóга нáшего, / да сопричтёмся ва́шему ликостоя́нию.

Богородичен: Аще и согрешаем, рабѣ Твоѣ,
Мати Живаго Бога, / но обаче, Твоими ходатай-
ствами объёмши, / моли Сына Твоего, да не вконѣцъ
разгорится на нас ярость Его, / иного бо Бога не
вѣмы, разве Того, смиреннии, / ниже крепчайшия
помощи имама, разве Тебѣ, Владычице мѣра.

Светѣлен, глас 3

Подобен: Посетил ны есть:

Посещения от премѣрныхъ сподоблься славы,
великомучениче Николае, / и мучение терпениемъ
победивъ, / Ангелы удивил еси и бѣсы посрамил
еси / простотою нрава Христа Бога нашего.

Слава, и ныне, праздника или Богородичен:

Покажи скоро силу Твою, Мати Живаго Бога, / и
крепость дел Твоихъ на нас, под кров Твой
прибѣгающихъ, / ничтоже бо сопротивляется вла-
сти Твоей, Владычице Всемогущая.

**На хвалѣтехъ поставимъ стиховъ 4 и поемъ стихиры,
глас 4.**

Подобен: Яко дѣбля:

Славныхъ подвиговъ твоихъ терпениемъ, страстотѣр-
пче Николае, / Ангелы с человеки удивил еси: /
како, плоти сопряженный, / болѣзни попрал еси /
любве ради Христовы / и, якоже искра огненная, /
на Небо вскочил еси силою дѣха, / идеже ныне
достойно ублажаешься, / яко ученикъ истинный /
волею по нас пострадавшаго Христа Бога нашего,
/ Егоже моли от тли и бед избавитися / верою
совершающимъ всечестную память твою.

Твоимъ Христу рачениемъ, страстотѣрпче Нико-
лае, / крепкою любовью и силою дѣха, / подвигомъ
терпѣния и ранами мучений / торжествовати с
Небесными земныхъ устроил еси, / и во единое обоихъ
собра / дивное твоего исповѣдания величество, /
еже сильныхъ чувства потрясѣ, / твоей дивящихся
непоколебимей вере / в Христа Бога нашего, /
Егоже моли от тли и бед избавитися / верою
совершающимъ всечестную память твою.

Яко преизящнаго любомудрия, / страстотѣрпче
Николае, / и силы духовнаго разума исполнен, /
простаго же и нехитростнаго нрава, / ветийная
плетения посрамил еси / твоего смѣсла
крепкодушнемъ / и яко река, наводнена истинныя

премудрости / и орган изряден показался еси
Божественнаго Духа, / и дом красен Святыя Троицы,
Бога нашего, / Егоче моли от тли и бед
избавитися / верою совершающим всечестную память твою.

Истины познание и православия путь / не силою
слова явша нам, доблии страдальцы, / но деянием
потщашася на себе показати, / терпением и ранами
свое обложивше тело: / ов убо, огню зельному
совокуплься, всесожжение Богу явися, / ов же, в
высоту повешен, к животу Небесному преиде, / сей
же, камением посыпан, Краугольному присвоися.
/ Темже получиша Царство безсмертное, радуя
щеся, / и молятся Богу о душах наших.

Слава, глас 8:

Истинный иже по образу соблюдше, мученицы,
ум-владыку / и не простерше мысленных рук к
отреченному разуму древу, / красному видением и
смертному деянием, / прадеднее обнажение покрывша
крепостию страдания / и, яко лучи новыя луны,
источивша осияние, / к нимже воззовем, глаголюще:
/ о сердикийская похвало / и вселенныя в вере
утверждение, / яко имуще дерзновение ко Христу
Богу нашему, / мира миру просите / и душам
нашим велия милости.

И ныне, праздника или Богородичен:

Владычице, прими молитвы раб Твоих / и
избави нас / от всякия нужды и печали.

Славословие великое и отпуст.

НА ЛИТУРГИИ

**Блаженны от канона святаго песни 3-я и 6-я. Прокимен,
глас 4: Возвеселится праведник о Господе / и уповает на
Него. Стих: Услыши, Боже, глас мой, внемди моли ми ся к
Тебе. Апостол к Тимофею, зачало 292. Аллилуия, глас 4:
Святым, иже суть на земли Его, удивити Господь вся хотения
Свой в них. Стих: Предзрех Господа предо мною вину, яко
одесную мене есть, да не подвижуся. Евангелие от Иоанна,
зачало 52. Причasten: В память вечную:**

Святой великомученик Николай Софийский родился в болгарском местечке Янино в семье благоче-

стных родителей Мартина и Евфросинии. Едва научившись читать, Николай дни и ночи проводил в чтении

душеспасительных книг. Особенно любил он читать жития святых, подражать подвигам которых стремился и сам. Повзрослев, он обучился сапожному ремеслу и своим трудом кормил не только родителей, но и подавал обильную милостыню нуждавшимся.

Святой Николай был благоразумен, добр, красив и строен. Но турки, под властью которых были в то время болгары, не любили таких христиан. По настоянию своих родственников Николай был вынужден бежать. Местом прибежища он избрал город Софию. Жители города, полюбив трудолюбивого, кроткого юношу, решили оставить его у себя навсегда и женили Николая на благочестивой девице-христианке.

Недолго пришлось Николаю жить в безопасности. И здесь, в Софии, турки обратили внимание на его прекрасные качества и решили обратиться к мусульманству. Однажды они пригласили Николая на обед к одному знатному вельможе. На обеде турки предложили испить ему чашу турецкого шербета, в который они подсыпали снотворного. Когда Николай уснул крепким сном, турки совершили над ним мусульманский обряд обрезания. Проснувшись, святой долго оплакивал такое поругание над ним. Тогда же он твердо решил пострадать за Христову веру. На требование муллы, чтобы Николай посещал мусульманскую мечеть, свя-

той проклял лжепророка Магомета вместе с его ложной верой.

Озлобленные турки со страшными ругательствами и побоями повлекли святого Николая на суд, во время которого один из них ударил мученика по голове с такой силой, что раздробил ему челюсть и повредил глаза. Ночью, во время горячей молитвы святого мученика к Богу, Господь совершенно исцелил его, к удивлению всех, кто его видел.

Судебное заседание, состоявшееся на следующий день, признало святого Николая невиновным. И все же, несмотря на решение суда, фанатичная толпа вывела святого мученика за город и убила камнями. Это произошло 17 мая 1555 года. Тело мученика было предано огню, а пепел развеян на четыре стороны света, согласно указанию Корана.

От мощей мученика осталась частица теменной кости, которая сохранилась во время убийства святого страдальца, а также несколько обгоревших костей, которые были бережно собраны христианами и положены в храме, воздвигнутом в его честь. Житие святого великомученика Николая написано современником и очевидцем его невинных страданий диаконом Матфеем Грамматиком.

Литература

Жития на светите. Синодално издательство. София, 1974.



В
ТОЙЖЕ
ДЕНЬ

Святѣя благовѣрныя великія княгини Евдокіи, во инокинях Евфросіини (Службу зри 7 іюля)

Тропáрь, глас 8:

По земнѣм вдовствѣ Небѣсному Жениху себѣ
пуневѣстивши / и в княжестем чертѣзе подвиж-
нически пожѣвши, / послѣжде и чертѣг, и чад
твоѣх Бѣга рáди остáвила есѣ, / преподѣбная
Евфросіини, / и, вшѣдши во обѣтель, тобою соз-
данную, / во иноческом образе многи пѣдвиги

показала еси, / и святое житие по благодати Божией блаженною кончиною увенчала еси. / И ныне, предстоящи Христу Богу, / моли спастися душам нашим.

Кондак, глас 2:

Вся красная мира сего яко суетная презревши / и тело твое постом и бдением изнуривши, / непрестанными молитвами Богу угодила еси, / преподобная Евфросиние, / и, дар исцелений от Него прияти сподобльшися, / слепому прозрение / и многим недужным исцеление даровала еси. / Темже радостно взываем, глаголюще: / слава Богу, прославляющему святых Своих.

Святая благоверная великая княгиня Евдокия, в иночестве Евфросиния, родилась в 1353 году. Она была дочерью Суздальского князя Дмитрия Константиновича (†1383) и его супруги княгини Анны. С младенческих лет воспитанная в духе христианского благочестия, Евдокия отличалась тихим, кротким нравом, нищелюбием и благотворительностью. В 1367 году она стала супругой благоверного великого князя Московского Дмитрия Донского (†1389). Их счастливый союз был залогом союза и мира между Московским и Суздальским княжествами.

Благочестивая христианская жизнь Евдокии содействовала постоянному возрастанию ее в духовном совершенствовании, в котором она руководилась такими великими святыми земли Русской, как святитель Алексий, Митрополит Московский и Преподобный Сергей Радонежский. Преподобный Сергей крестил одного из сыновей князя Дмитрия и Евдокии. Восприемником других детей благочестивого семейства был преподобный Дмитрий Прилуцкий (память 11 февраля). Большой любовью к Богу и Святой Церкви горела душа княгини. На ее средства было построено много храмов, а в 1387 году Евдокия основала в Московском Кремле Вознесенский женский мона-

стырь, который стал усыпальницей великих княгинь. В 1395 году, при нашествии Тамерлана на южные границы Руси, по ее совету была принесена в Москву Владимирская икона Божией Матери, чудесно защитившая Русскую землю.

Воспитав пятерых сыновей (шестой умер в младенчестве), княгиня приняла монашеский постриг с именем Евфросиния. Еще будучи в миру, святая носила под пышными княжескими одеждами суровую власяницу. Такие тайные для людей, но ведомые Богу подвиги, преподобная Евфросиния продолжала и в монастыре. В молитве и подвиге совершив свой земной путь, она мирно почилла 7 июля 1407 года и погребена была в основанном ею Вознесенском монастыре. Память ее празднуется 17 мая и 7 июля. Известен литературный памятник древнерусской церковной поэзии, излагающий оплакивание княгиней Евдокией своего мужа благоверного князя Дмитрия Донского, скончавшегося в возрасте 39 лет.

Литература

1. Бахметева А. Н. Избранные жития святых. Май. М., 1899.
2. Дмитриев Д. Святая княгиня Евфросиния (к 500-летию юбилею). Сергиев Посад, 1907.
3. Поселянин Е. Московский Патерик. М., 1912.

